

莫王號也名獵驕靡後書昆彌云

師古曰昆莫本是王號而其人各獵驕靡

故書云昆彌昆取昆莫彌取驕靡彌靡音有輕重耳蓋本一也後遂以昆彌為其王號也

岑陬尚江

都公主生一女少夫

師古曰各少夫

公主死漢復以楚王戊之

孫解憂為公主妻岑陬胡婦子泥靡尚小岑陬且

死以國與季父大祿子翁歸靡曰泥靡大以國歸之翁

歸靡既立號肥王復尚楚主解憂生三男兩女長男曰

元貴靡次曰萬年為莎車王次曰大樂為左大將長女

弟史為龜茲王絳賓妻小女素光為若呼翎侯妻

師古曰弟

史素光皆女名

昭帝時公主上書言匈奴發騎田車師車師與

匈奴為一共侵烏孫唯天子幸救之漢養士馬議欲擊